


書名 錦繡萬花谷續集四十卷
嘉靖十五年序錫山秦
撰者 宋 闕名 撰
卷 卷三十一
內容分類 子-類書-彙考-宋
索書號 大木-子部-類書類-31
編號 C5924800

卷三十一



錦繡萬花谷續集卷之十八



類

後進領袖裴秀八歲能屬文時語曰後進領袖有裴秀

後爲晉空 晉本傳

玉山裴楷以清通用爲吏部郎時人稱見裴叔則

如近山映照人也 本傳

裴松之博覽墳籍立身簡素宋武帝克洛陽

行事武帝曰松之廊廟之才不宜久居邊務

沈馬轉中書侍郎 南史

裴駿魏太祖曰駿有當世才其忠義可嘉補

崔浩目爲三河領袖宋使來聘以駿有才學

彩色首頁1

[東洋文化研究所漢籍目錄 編號 C5924800](#)

[東洋文化研究所漢籍目錄所藏漢籍善本全文影像資料庫 索書號 大木-子部-類書類-31](#)

[漢籍善本全文影像資料庫文本 錦繡萬花谷續集四十卷 嘉靖十五年序錫山秦 汴繡石書堂刊本 後修](#)

版權所有 東京大學 東洋文化研究所
使用上の注意事項

續萬花谷續集卷之三十一

類姓

阮



青白眼阮籍字嗣宗任性不羈方外之士見崇禮典能

爲青白眼見禮俗之士以白眼對之爲步兵校

晉史

北富南貧阮咸字與叔父籍爲竹林之遊居道南北阮

貧七月七日以竿挂大布犢鼻於庭曰未能免俗聊復

爾耳歷散騎侍郎補始平太守顏延年作五君詠詠咸

云屢薦不入官一麾乃出守

百錢挂杖阮修字宣子百錢挂杖頭當世富貴不肯顧

自得於林阜間

管

管城周文王第三子管叔鮮受封於管以國爲氏焉今鄭州管城是也齊有管夷吾字敬仲姓纂

龍頭龍尾管寧字幼安詔爲太中大夫固辭不受遂下

詔曰寧耽懷道德服膺六藝清虛足以侔古廉白可以

當世又王基薦之曰寧含章素質冰潔淵清韜古今於

胷懷包道德之機要魏志世說云嘗與華歆同席讀書

有乘軒冕過門者寧讀書如故歆廢書而看寧割席分

坐曰子非吾友也寧歆邴原三人相善時人號爲一龍

寧爲龍頭原爲龍腹歆爲龍尾魏志

罕

餽國人粟左襄公二十九年鄭子皮以子展之命餽國

人粟戶一鍾是以得鄭國之民故罕氏常掌國政以爲

上卿

雋

褒衣博帶雋不疑字曼倩治春秋進退必以禮名聞州

郡暴勝之爲直指使者至渤海不疑冠進賢冠帶欄具

劔佩環玦褒衣博帶盛服至門上謁勝之望見不疑容

貌尊嚴衣冠甚偉躡履起迎不疑曰凡爲吏太剛則折

太柔則廢勝之敬納其戒擢京兆尹京師吏民敬其威

信前漢史

展

以字爲氏左隱公八年無駭卒羽父請謚與族衆仲曰

諸侯以字爲謚因以爲族官有世功則有官族公命以

字爲展氏

趙

良大夫宣公二年孔子曰趙宣子古之良大夫也

客數千人平原君趙勝喜賓客賓客至者數千人三去

相三復位封於東武臣

史記

定律令趙禹武帝時以刀筆吏積勞遷爲御史與張湯

論定諸律令用法益刻

史酷吏傳

馬服君趙奢爲趙田部吏收租稅平原君家不肯出奢

封馬服君以法治之殺平原君用事者九人

通鑑

鉤距趙廣漢舉茂材察孝廉治行尤異守京兆尹遷潁

川太守教吏爲詬笮投書相告訐善爲鉤距以得事情

銖兩之姦皆知之吏民稱之不容口見事風生無所固

避

前漢史

雄飛

趙溫字子柔初爲京兆尹嘆曰大丈夫當雄飛安

能雌伏遂棄官去歲飢散家糧以賑窮餓所活萬餘人

拜司徒

宣揚國命

趙岐字邠卿少明經有才藝後遷太僕爲副

使宣揚國命所到郡縣百姓皆喜曰今日乃復見使者

車騎

並後漢史

虎威將軍

趙雲嘗將數十騎與曹公戰先主曰子龍一

身都爲膽也軍中號爲虎威將軍

蜀志

置銅斗鐵尺

趙爽少孤養母至孝年十四有人盜伐其

父墓中樹者對之號慟因執送官仕隋爲異州刺史甚

有威惠市多姦詐乃爲銅斗鐵尺置於肆百姓便之

北史

鳳臺學士

趙鳳幽州人少以儒學知名爲鄆州節度判

官晉取鄆州莊宗聞鳳名得之喜以爲扈纓學士莊宗即位拜鳳中書舍人翰林學士明宗置端明殿學士以馮道及鳳爲之五代史

社稷臣趙普字則平幽州薊人太祖受禪普以佐命功授右諫議大夫樞密直學士昭憲寢疾普入與顧命拜樞密使乾德二年爲門下侍郎同中書門下平章事集賢殿大學士五年拜尚書左僕射昭文館大學士太祖寵待普如左右手判大理寺雷德驤憤其屬附普增減刑名因求見太祖語不遜太祖怒叱之曰鼎鑪尚有耳汝不聞趙普吾之社稷臣乎德驤坐貶薨封真定郡王謚曰忠獻

鮑

王咸舉字宣好學明經舉孝廉爲郎何武薦爲諫大夫後拜司隸以摧辱宰相下廷尉博士弟子王咸舉愾太學下曰欲救鮑司隸者會此下諸生會者千餘人漢史

馬

草茅言天下事馬周字賓王博州人入關留客汴舍新豐逆旅主人不之顧周命酒一斗八升悠然獨酌衆異之至長安舍中郎將常何家何武人不涉學周爲條二十餘事皆當世所切太宗怪問何何曰此非臣所能家客馬周教臣言之帝即召與語帝悅拜監察御史奉使稱職帝嘗以飛帛書賜周曰鸞鳳冲霄必假羽翼股肱之寄要在忠力贊曰由一介草茅言天下事明習憲章

若素官于朝 唐史

錦繡萬花谷續集卷之三十一

錦繡萬花谷續集卷之三十二

類姓

賈

股肱左昭十三年文公好學而不貳生十七年有賈佗以爲股肱

有力王室昭二十八年晉魏獻子爲政以賈辛爲祁大夫謂賈辛有力於王室故舉之

洛陽年少賈誼雒陽人年十八以能誦詩屬書聞於郡中吳公爲河南守聞其秀才召置門下文帝召爲博士每詔令議下諸老先生不能言誼盡爲之對文帝悅之超遷一歲中至太中大夫絳灌之屬害之以爲雒年少云云出爲長沙王太傅渡湘爲賦以弔屈原因陳治安